

**Ŋwàk nè Ba,
nè Pol à Còm Fa Bùu sè Mvwe'
Lak
TÈTÀLONIKÀ**

Jijipsè à cu mali mùmuvwe' cos nè mvwe' lak Tètàlonikà nè, bæ nza' mùmuvè'nè Jisòos nè bwì vèè nè. Bùu mok à sè cèp dè nùmbu nè Jisòos nè bwì vè nè à cà lòlaj. Fana Pol com ŋwàk nè ba ènè ŋgòtsè' rɛɛsə fa wo bæ zɛɛ də ŋkuɛ Jisos Krest sə bwì vè ŋga ŋkùì' ghaha sə nzeɛgòɛ anə vɛ'ɛ kə dzeɛ nsàp nè co wù kà fùk. Yi nè ye ŋkum sə nzeɛgòɛ ghà ànə yi. Yi nè beɛ wes nwì pwe', nè gu ni' ye co də yi Nwì yi ŋkuɛ fana Jisòs sə kə vè.

¹ Còm ŋwàk nè'e mùu Pol ves Silvanù nè ye Timati wèɛ bəbɛ'. Vès còm fa nà' bohòbùu cos nè mvwe' lak Tètàlonikà wèɛ. Wo sè tse' wo Nwì nè yi Tè' avès nè ye Tà Jisòs Krest.

² Vès lɛɛ də Nwì nè yi Tè' bæ Tà Jisòs Kreest gu wɛɛ bəbɛɛ, nè fa wɛɛ fifi.

Mvè'nè Jisòos Nè Kè Sak Nzeɛgòɛ

³ Vès tse' ŋgòkwasə Nwì ghà nè fòlòɛ bùu wèɛ, bwema avès a. Vès tse' ŋgòkwasə yi vɛ'nə bùusè nsàp nè wèɛ sə fa ntum bohòNwì nè sə kùk lòmantombi. Nə ye sè' də dzədzəm àwèɛ nè wèɛ tse' bohòmòk bæ mòk sə ghaha sè' ghaha.

⁴ Nà'a njo nè vèes kùmɛgè ŋgùɛ mvwe' kwe' bùu cos wèɛ bùu wèɛ sə. Vèes kùmɛgè ŋgùɛ bùusè wèɛ kìgè ntum, nè sə dzəm ghaha

bohòjisòs nè ghaha, nga wo sè tùksè wèŋ, wèŋ sè ye ngə' sè'.

⁵ Yà'sə sè nitsè' də Nwii nè sak bə zìnə. Busè a ye vɛ'nə fana wèŋ ye kəkurè ngòkè ye mok mvwe' gaŋ ŋkum ye sè wèŋ sè yə ngə' bùu zen sə.

⁶ Nwii nè gu yusè yà'a kəkurè. Bùu sè wo sè yeŋsə wèŋ ngə' yà'a, yi nè yeŋsə fəsə wo ngə' sè'.

⁷ Yi nè gu wèŋ sè wèŋ sè yə ngə' yà'sə ngòyòŋsə nè ye vès yàvès sè'. Yi nè gu vɛ'nə ghà nè Tà Jisòs tesè tsə vè mubu bə masinjàa ye wèŋ sè wo tse' nàŋ. Yi nè və ndzənə ləm-mis,

⁸ nè yeŋsə bùu sè wo ka Nwì riŋ ngə', nè yeŋsə sè wo à ka yusè Ntirè nè Bèboŋ nè Tà Jisòs à sè tsè' nè bɛ' ngə' sè'.

⁹ Ngə' nè wo nè ye nè də wo nè maha wà nè kè' mò'fis. Wo nè kà mvwe' sè Tà cu bə bònŋ nàaŋ ye sè sè' kè dzèŋ yuk.

¹⁰ Yè'sə nè ye numbu nè yi nè vè ngòkè jə kèkuksè bohòbùu ye wèŋ, fana bùu sè wo ànə dzəm bohòyi nè sə mərə, nè sə kwa vɛ'ɛ wùriŋ. Wèŋ nè ye sè' mɔŋgorè wo anə bùusè wèŋ a dzəm ncɛp nè vès à tsè' fa wèŋ nè.

¹¹ Nà'a njo nè vès ləŋ fagè wèŋ riŋriŋ nè. Vès ləŋgè Nwì də yi gu wèŋ ngòye kəkurè bə ncu nè yi à to fis wèŋ də wèŋ cum nà' nè. Vès ləŋ də yi gu ntuum awèŋ sè wèŋ tse' ngògù bèboŋ yà'a təŋ megu vɛ'nə. Yi gu fàak awèŋ sè wèŋ sè gu bùusè wèŋ a fa ntum awèŋ bohòyi sè kə lə kəkurè bə nàaŋ ye.

¹² Bum yè'sə ye-a vɛ'nə fana liŋ sè Tà Jisòs

Kræest nə bonj bəu wən, wən bonj bwi bəu yi sè'.
Yè'sə ve'nə bə bònəm nè Nwì àvès nə ye Tà Jisòs
Kræst.

2

Yusè Yà'a Nə Ye Nkuŋ Kræst Bwi Və

¹ Bə nzak nè Tà àvès Jisòs Kræst ŋòbwi vèə də
ya vesiwèen be'lə yi, nə kə cum mok bəbè' fana
bwema am wən, mǝ lən wen,

² də kà də wèen sə tsərə jǝ'rə kɛ'ca bə zen
ve'nə duk. Kà də wèen sə saha ntuum awèn bə
ncèp nè wo sə cèp də numbu nè Tàa nè bwi vè
nə à cà lolaŋ nà'a sə duk. Kàmòk à cèp ve'nə
ŋgà tsòhòbum Nwì mòk ŋga yi də yi tse' yumòk
sè Nwì à tsè' yi, kè ŋwè nəmòk ŋga yi sə tsòho-a
nzak Nwì àlɛ'. Kàmòk bəu mok wèn duk də vès
à còm tumsə ŋwàk ve'nə vès àlɛ'.

³ Kà də wèen me'rə ŋwè nəmòok borə fuk wen
duk. Bəsə numbu ànə nə kà ntòvè tètè tse' ghà
nè bwiŋ nə sə gɔŋtu bohòNwì wù kà fuk nà'a kè
dzèn ŋkuŋ. Anə ye sè' ŋga ŋwè nè ŋgà ŋgwap
nə yəəŋ sè' ŋkuŋ. A sè' yi nè yi nè kè bisə ye
ŋgwàŋ nə.

⁴ ŋgà ŋgwap ènə nə kà ŋge' bə bum sè bwiŋ
kùksəgə yà' co nwì ye fuk. Yi nə beŋ bum sè yà'a
co nwì pwe'fo'. Yi nə jəŋ ni' ye mǝbu, də yi ghak
yà' pwe' yi. Yi nə kə ni cum mǝnə ndap Nwì nè
ghaŋ nə, nə sə tsok də yi Nwì yi.

⁵ Mǝ à tsè' wen bum yè'sə ghà nè vesùwèn à
ye nà'a pwe' laŋ. Wèn a swì laŋ à?

⁶ Megu də yumok cu sè yà' sə gù də bum yè'sə kà nga'a ntòye. Wèŋ rì yu ànə sə laŋ. Mvèk nə kùrə nùu fana nga gù ngwap nə nə yəəŋ.

⁷ Fàak ngwap sə sə fàk nga'a yè'e ntòsəswihì megu də yusè yà'a nè ye sə nə kà nto ye tètè wo fis gəsə ɲwè nè yi sə təəŋ lok yà' nə fo' ɲkuŋ.

⁸ Ngà ngwap nə yəəŋ ghà ànə, fana Tà Jisòos nə kə zə nà' bə yòŋsè nè nje nè yi yòŋsə fis tsə kè cùhu yi. Ghà nè Jisòos nə vè nə, yi nə gù bupsə nà' bə ɲàaŋ ye sè yi yəəŋ vè bə zeŋ sə.

⁹ Ngà ngwap nə nə və bə ɲàaŋ Satà, nə sə gù kɛ'ca nsàap maŋgəŋgèeŋ mok ɲgòbòrə bwìŋ fo' vɛ'ɛ nduk nè nduk. Yi nə sə gù niŋ kɛ'ca fa bwìŋ nsàap bum mok sè co wu kək yà' tu jip wu.

¹⁰ Yi nə borə bùu sè wo nè bisə wà sə wèŋ bə jòŋ. Bùu yè'sə wèeŋ nè bisə njo nè wo à ka ncèp nè zìnə nə ya wo tse' lùŋ bùu zeŋ nə dzəm.

¹¹ Busè wo a gù vɛ'nə fana Nwii nè gù wo ɲgòtsərə mègù bum bə jòŋ, nə sə dzəm sè' zeŋ, ya wo sə dzəm megu mok bum sè yà'a mvwès.

¹² Nwii nè gù vɛ'nə ya bùu sè wo à ka zìnə nə dzəm, nə sə kwa yàwo ɲgògù bup yà'a wèeŋ nə gbù nzak bohòyi.

Pol Kwe'sə Bùu Tètàlonikà Də Wo Təəŋ Guguŋ

¹³ Vès tse' ɲgòkwəsə tsə Nwì nə ghà yà lòŋ bùu wèŋ, bwema avès a. Vès sə duk wèŋ sè Tà nə dzəm weŋ yà'a. Nwì ànə yeto, yi cok fis weŋ də wèeŋ nə tse' lùŋ. Yi à gù vɛ'nə bə ɲàaŋ yòŋsè nè nje nə də ya wèeŋ ye bùu ye wèŋ sè wèeŋ rərəŋ. Yi à gù vɛ'nə sè' bə mandzè nè də wèŋ à dzəm ncèp nè nà'a zìnə nə sè'.

14 Nwì ànə to wə wəŋ yè'sə bə mandzè Ntirè nè Bèboŋ nè vès à tsóho fa wəŋ nə. Yi à to wəŋ yà'sə də ya wèeŋ tse' fis ma njàwèŋ sənə kèkuksè nè Tà Jisòs Krèst àvès nə sè'.

15 Ye də bwema àvès, wèeŋ təeŋ gʊgʊŋ, nə kotse' bum sè vès à tsè' wèŋ yà' sè bə cù ké vès à còm fa-a wəŋ bə ŋwàk àlɛ' pwe'fo' cùk.

16-17 Tà Jisòs Krèst àvès, nə ye tè' àvès Nwì a dzəm ves nə fisə fa ves ntuum avès, nə fa ves ñàŋ ñgòcèep nə gʊ megu yusè yà'a bèboŋ. Nwì a nitsè' fa ves dzədzəm ye ya a sə lo mantombi, nə kà kè mèsè yuk. Yi à gʊ ves ñgònaaŋ tu də a nè kè tse' bum sè bèboŋ. Wo a gʊ vɛ'nə bə bònəm njàwo nə.

3

Wèeŋ Sə Ləŋ Fa Ves

1 Ngòlèsə lòo fana bwema avès, vès də wèeŋ sə ləŋ fa ves. Wèeŋ sə ləŋ fa ves də ncèp nè Tà nə, nà'a sə lo mantombi nènàk nènàk, nə sə fom mvè'nè ànə ye bohòwèŋ yà'a.

2 Wèeŋ sə ləŋ fa ves mok sè' də Nwìi caŋsə fis ves ndzə bohòŋgàa gʊ ñgwap bə bùu sè bʊp wèŋ. Vès duk vɛ'nə bùusè sə kà ncèp ènə bwìŋ pwe'fo' dzəm wes.

3 Yusə də Tà a ye zìnə. Yi nə gʊŋsə wəŋ, nə caŋsə gɛsə wəŋ mvwe' Satà nè yi ŋwè nèbʊp nə.

4 Tà a gʊ ves, vès kà məmərè sə ntuu vès bùu wèŋ tse' lok. Vès rì pap də wèeŋ nə sə gʊ tse' megu bum sè vès də wèeŋ gʊ.

5 Vès lɛŋ də Tàa gu busə ntuum awèŋ ya wèeŋ dzəm bohòNwi, nə fa weŋ kontum nsàp nè Krɛst.

*NgòCu Ncu Wɛ'
Ka Bəboŋ Yeŋ*

6 Yumook yè', bwema avès, vès cèp yè'sə bə liŋ Tà Jisòs Krɛst, də ka də wèeŋ sə be'lə bə bwema sè wo dzəm ngòcu ncu wɛ' duk. Vès sə duk bùu sè wo sə kà mandzè nè vès à yə'rə weŋ yù yà'a.

7 Wèŋ riŋ yàwèŋ sè' də wèŋ tse' ngòfà'rə mandzè ncu avès. Ghà nè vesùwèŋ à ye nà'a, vès à ka ngàa wɛ' yeŋ.

8 Vès à ka yu ŋwè nəmòk ŋga vès ka lak zɹ yuk. Vès à fàk vɛ'ɛ, nə ci' ndùrè nè maràŋ bə ndzəmè pwe', də ya vès kà ŋwè nəmòk ŋgə' wà yamsə fa.

9 Vès à sə gu vɛ'nə yè'sə, vès à dzəm-a də wèeŋ fa ves, yumok yà' kà bə jòŋ sè' ye. Vès à gu yè'sə ngògù ni fa weŋ ya wèeŋ bɛ' sè' zeŋ.

10 Vesùwèŋ ànə ye fa' vès tsok weŋ sè' laŋ də, <<A ye-a ŋga ŋwè nəmòk duk-a də yi kà fàk fàk, yi kà sè' zɹ.>>

11 Vès sə cèp yè'sə bùusə vès yuk də bùu mok cu mɯŋgorè wèŋ sè wo sə cu yàwo ncu wɛ'. Wo kà yumok fàk, nə sə dzəm megu ngògbù ni kɛ'cà sənə bum bùu mok wèŋ.

12 Vès sə cèp yè'e bohònsàp bù ànə ngòtip wo bə liŋ Tà Jisòs Krɛst də, wo ko ni', nə fak zɹ bə bo awo.

13 Nə ye də kà də wèeŋ wo ngògù bəboŋ duk, bwema avès a.

¹⁴ A ye-a nga ηwè nəmòk bèη ncèp nè vès còm fa weη ndzənə ηwàk nè'e fana wèη kək tasə tse' yi bèboη, nə kà yumok wenə wèη tse' be'lè lok. Wèη gu ve'nə ya marè'tu ko ηwè ànə.

¹⁵ Nə ye sè' də wèη kà yi co yi ηwè nè wèη bèη yi bèηnə gù. Wèη tip yi le co yi ye sè' moma awèη.

Càcèpsə Nə Nà' Ləsə

¹⁶ Vès leη də Tà nè yi fagè fifi yi nə fa weη fifi, yi bə tu ye. Yi fa weη fifi bə mandzè nè fòlòη ghà yà lònη sè'. Tà nə ye bohòwèη pwe'fo'.

¹⁷ Mùu Pol, mù còm fa weη càcèpsə ènə mù bə bo sè yàm. Nè'e yu nè wu yə nà' ndzənə ηwàk, wù riη də còm ηwàk ànə mù nə. Ye'e mvè'nè mɛ còm gè yàm sə.

¹⁸ Mù leη də bèbo nè Tà Jisòs Krèst àvèes ye bohòwèη pwe'fo'.

Nwàk Nwì Ma Rùk Nè Fi
New Testament in Yamba

copyright © 2011 Wycliffe Bible Translators, Inc.

Language: (Yamba)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 18 Apr 2025 from source
files dated 29 Jan 2022

c475d5b3-da44-51cf-93ca-f255b72fe481